

寓意草
卷末



左氏春秋無與於兵而名將以爲兵法之至精見不剗
一心之運用不出也噫難與俗人言胡貞臣先生評

一直推嵒翁公祖病後再誤貽患

嵒翁公祖深知醫理投劑咸中肯綮所以長年久世然若耳鳴
不樂對客其左右侍從誰能究心醫藥之前病獲安競以爲
人參之力而卸禍者反得居功謂其意原欲用參但不敢專主
姑進不肖商確以示詳慎耳於是善後之宜一以諉之曾不顧
夫一誤再誤也吁嗟善後之圖遂果易謀乎哉前所論虛風一
症昌繼用甘寒藥二劑稍効俄焉更醫悞以傷寒爲治而致危
殆昌雖用旋覆代赭二劑回天然前此虛風本症尚無暇於驅

除而主家及醫其時方競誇入參之方謂調理更宜倍用無俟
參酌曾不思虛風醞釀日深他日再求良治不能及矣此際欲
造庭力爭是謂生端卽上書陳說又恐中格惟有撫膺展轉太
息而已吁嗟時事之不可爲大都若此矣然雖不得著可籌未
可不列眉而論也內經云風者善行而數變言風之爲病無定
體也又曰病成而變此則專言胃風所傳之病變症最多也變
症有五一日風成爲寒熱以風氣通肝則木盛而侮脾胃故生
寒熱也祖翁前病時左關之脉獨大自云氣反攻左而每多寒
熱之候致醫輩視爲外感者是其徵也一日厥成爲顛疾厥者
逆也謂胃氣逆而上升成巔頂之疾如眩暈之類也祖翁前病

時晚逆不休。時覺昏暈者。是其徵也。一曰癰成爲消中。癰者熱也。熱積胃中。善食而易飢。火之害也。祖翁胃中素有積熱。而欲得食者。是其徵也。一曰久風爲飧泄。言胃中風熾。食已卽泄。不啻停也。祖翁平素三四日始一大便。今嘗無故泄下數行。是其徵也。一曰脈風成爲病。言胃中之風醞釀既久。則榮氣腐而不清。肌肉之間。漸主潰爛。以胃主肌肉也。祖翁四末及脈道之間。慣生瘡瘍。浸淫爲害者。是其徵也。此五者。總爲胃風之病。祖翁俱已見端。又喜食羊肉。河豚以召致之。然亦不自辭也。蓋風煽胃中。如轉丸之捷。食入易消。不得不借資於厚味。而不知胃中元氣久從暗耗。設虛風止熄。卽清薄之味。尚不易化。況於肥

其乎。今之醫者全不究病前病後消息。明明語以虛風之症。意不知虛風爲何物。奈何言醫耶。奈何言調攝耶。昌於此殆不勝古今家國之感矣。

案雖定而狂瞽之言未便呈覽。兼值昌有浙遊。旋日祖翁復得重恙。召診時語昌云。病幾危。今幸稍可。但徹夜撰改本草不輟。神亂奈何。昌對曰。胃風久熾。津液乾枯。真火內燔。宜用知母一兩。人參甘草各一錢。日進二劑。自安。衆議方中用參太少。且無補藥佐之。全無取義。竟置不用。連進參朮大劑不効。越三日。劑中人參竟加一兩。服後頃刻氣高不返而仙逝。八旬元老。勸勸鼎鼎。子姓森森。遶榻三匝。夫復何憾。燭唱

親承樸樸之化。於報稱之心。有所未慊也。哀哉。

直敘立刻救甦。劉筠枝不終其用之故。

筠枝先生創業維艱。大率得之節嗇者多。然七旬御女不輟。此先天元陽固密。非人力之所爲也。若能良賈深藏。可以百年用之不竭。奈何以御女之故而數擾其陽耶。夫陽者親上而衛外。易出而難收者也。在根基淺露之軀。臺不敢肆情縱慾。幸而根深蒂固。不易動搖。乃以房中之術。自伐其根。而重加栽接。致大命危於頃刻。豈悞以節嗇之方。而倒施之御女乎。夏月陽氣在外。陰氣在內。此時調攝之藥。全以扶陽抑陰爲主。翁偶不快。實飲食起居如常。醫者以壯年傷暑之藥。香薷黃柏石膏。知母滑

石車前木通投之卽刻不支卧於牀褥次早余見時則身僵頭硬舌強喉啞無生理矣。余診畢云此症雖危然因誤藥所致。甫隔一晚。尚以藥速追急以大附子乾姜人參白朮各五錢甘草三錢煎服可以解此厄。萬不宜遲。渠諸子不能決。余忙取藥自煎。衆議姑以前方煎四分之一服之。安貼再煎未遲。只得從之。藥成送進。適前醫再至。遂入診良久。阻藥不用。余面辱其。醫進房親督灌藥。寸香之久。翁大嘔一聲醒而能言。但聲雌而細。呼諸子乳名云。適纔見州官回。詢其所繇。開目視之不語。轉問医者何人。曰。江西喻遂。擡手一拱。又云。被縫有風來塞塞。余甚快。忙出煎所存三分之藥以再進。維時嫺族襍至。商以肩輿送余。

歸寓。余斷欲進藥。衆勸云：「且暫回寓。或者明日再請，其意中必懼吾之面折醫輩耳。」及他医進藥，啞瞶如前。越二日而逝。余爲之嘆惜不已焉。七旬御女，不輟斧斤於內，而假庸医以權，長子次子繼天斧斤於外，而開嫫族以費氣机，久動尚自謂百年無患也。於人乎何尤！

●胡貞臣先生曰：獻玉而遭誤認爲頑石也，投珠而按劍謗爲不祥也。至剖石得玉，轉災爲祥，尚然不識，則何見耶！医事固裂亦所遇適窮耳。

論徐嶽生將成痿痺之症

徐嶽生，軀盛氣充，昔年因食指微傷，見血以冷水濯之，遂至血



凝不散腫潰出膿血數升小筋脫出三節指廢不伸邇來兩足
間。邇至秋月便覺畏冷重綿蔽之外肘仍熱內揣獨覺其寒近
日從踵至膝後筋痛不便遠行雲間老醫令服八味丸深中其
意及僕診自云平素脉難以摸索乃肝肺二部反見洪大爲
病進況在冬月木落金寒時尤爲不宜方來之勢將有不可
邇者八味丸之桂附未可輕服也何也筋者肝之合也附筋之
血既經食指之挹取存留無幾不能榮養筋脉加以忿怒數動
肝火傳熱於筋足跗之大筋得熱而短是以牽強不便於行也
然肝之所主者惟肺木性畏金稟令擁戴若君主然故必肺氣
先清週身氣乃下行今肺脉大則肺氣又爲心主所傷壅塞不

事
復
大
所
聞

清是以陽氣不能下達而足寒也。然則所患雖微已犯三逆乎？
素脉細而今脉大一逆也。肝脉大而熱下傳二逆也。肺脉大而
氣上壅三逆也。設誤以桂附治之熱者愈熱。壅者愈壅。則口乾
成痿痺矣。此際用藥濶乎微乎？有尋常不能測識者。蓋筋脉短
勁肝氣內鋼須亟講於金伐木榮之道。以金伐木而木反榮筋
反舒。匪深通玄造者其孰能知之。然非金氣自壅則木且蠢令
不暇何敢內拒。惟金失其剛轉而為柔。是以木失其柔轉而為
剛。故治此必先以清金為第一義也。然清金又先以清胃為第
一義。不清其胃則飲酒焉而熱氣輸於肺矣。厚味焉而濁氣輸
於肺矣。藥力幾何能勝清金之任哉。金不清如大敵在前主將

至理

懦弱已不能望其成功。況舍清金而更加以助火燠金倒行逆施以爲治。則必不得之數矣。

翁見藥石之言。漫無忌諱。反疑爲張大其說。而莫之信。竟服一八味丸。一月後。痿痺之情悉著。不幸所言果驗。乃臥床三載。必不令僕一見聞。最後陽道盡縮。小水全無。乃肺金之氣先絕於上。所以致此。明明言之。而竟蹈之。奈何奈何。

胡白臣先生曰。此治痿痺症之妙法。蓮華經也。不當作文字藝視。

論江冲寰先生足患治法

庚辰冬。於鼎翁公祖園中。識先生半面。竊見身體重着。履步艱

病病殊合之病病
人心花類開

難面色滯晦。語言遲緩。以爲有虛風。卒中之候也。因爲過虛。卒
已秋。召診間。細察脾脉。緩急不調。肺脉勁大。然肝木尚平。陽氣
尚旺。是八風之邪。未可易中。而筋脉掣痛。不能安寢者。大卒風
而加之以濕。交煽其虐所致。以斯知尚可引年而施治也。何也。
風者肝之病。天之氣也。濕者脾之病。地之氣也。天氣迭疾。故發
之暴。益以地氣之迂緩。反有所牽制。而不能暴矣。然氣別則病
殊。而氣交則病合。有不可不明辨者。病殊者。在天氣。則風爲百
病之長。其來微。則隨相尅爲傳次。必遍五臟而始烈。其來甚。則
不繇傳次而直中。唯體虛之人。患始不測焉。在地氣。則濕爲下
體之患。其來微。則足跗腫大。然得所勝。亦旋消。其來甚。則害及

皮肉筋脉以漸而上攻亦唯陽虛之人勢始騰越焉兩者不
之天一本之地病各縣殊治亦異法者也病合者天之氣入於
筋脉地之氣亦入於筋脉時乎天氣勝則筋脉張而勁焉時乎
地氣勝則筋脉弛而緩焉兩者其源雖異其流則同交相蘊結
蔓而難圖者也先生房中之風始雖不可知然而所感則微也
至若濕之一字既以醇酒厚味而釀之於內又爲炎蒸嵐瘴而
襲之於外是以足患日熾雖周身筋脉舒展亦不自如究竟不
若足間晝夜掣痛瘡瘍腫潰浸淫無已也夫春時之風也夏時
之濕與熱也秋時之燥也三時之氣皆爲先生一身之患者也
而一身之患又惟一隅獨當之亦良苦矣設內之風濕熱燥不

攘定患其有寧字乎所可嘉者惟冬月寒水司令勢稍未減而
醫者不識此意每投壯筋骨之藥酒以驅其濕不知此乃治寒
濕之法惟冬月病增者方宜豈以風濕熱濕而倒行逆施寧不
重其困耶況乎先生肺脉勁大三四日始一大便雖冬月亦喜
形寒飲冷而不嘗近火何所見其爲寒濕也哉所以孫真人大
小竹瀝等方風濕熱燥寒五治之藥具備瓏統龐雜後人全不
知用若識此義爲去取則神而明之之事矣然則不辨症而用
方幾何而不誤耶

胡白臣先生曰辨症縱橫無礙劒光燁燁逼人

論錢太封翁足患不宜用熱藥再悞

錢叔翁太老先生形體清瘦。平素多火。少痰。邇年內蘊之熱。然濕爲痰。辛巳夏秋間。濕熱交勝時。忽患右足麻木。冷如冰石。蓋熱似寒。如暑月反雨。冰雹之類。醫者以其足跗之冷也。不細察其爲熱極似寒。誤以牛膝木瓜防已加皮羌獨之屬溫之。甚且認爲下元虛憊。悞用附桂河車之屬補之。以火濟火。以熱益熱。由是腫潰出膿水。浸淫數月。踝骨以下足背指踵廢而不用。總爲誤治。而蛭極耳。其理甚明。無難於辨。若果寒痰下墜。不過堅凝不散。止其甚者。不過痿痺不仁止耳。何至腫而且潰。黃水淋漓腐肉穿筋耶。太翁不知爲醫藥所誤。乃委咎於方隅神殺所致。豈其然哉。此與傷寒壞症。熱邪深入經絡而生流注無少異。

助脾而多食助精而色不助不為

也。所用參膏，但可顯理元氣，而無清解濕熱之藥以佐之，是以未顯厥效。以元老之宮，不可以理煩劇，設與竹瀝同事，入參固其經，竹瀝通其絡，則其寒氣味相得益彰矣。徐大掖先生，服入參以治虛風，誤佐以附子之熱，迄今筋脉短縮，不便行持，亦歸不識其寒，可通經絡也。且太翁用參膏後，脾氣亦既太旺，健運有加矣。此時倘能搏節飲食，俾脾中所生之陽氣得顯力以驅痰驅熱，則痰熱不留行而足患，並可結局。乃日食而外加以夜食，雖脾氣之旺，不為食所傷，然以參力所生之脾氣，不用之運痰運熱，止用之以運食，誠可惜也。今者食入亦不易運，以助長而反得衰，迺至痰飲膠結於胸中，為飽為悶，為頻咳，而痰不應。

總爲脾失其健不爲胃行津液而飲食反以生痰漸漬充滿肺竅咳不易出雖以治痰爲急然治痰之藥大率耗氣動虛恐痰未出而風先入也唯是確以甘寒之藥杜風消熱潤燥補虛豁痰乃爲合法至于辛熱之藥斷斷不可再誤矣醫者明明見此輒用桂附無算想必因膿水易乾認爲辛熱之功而極力以催之結局耳可勝誅哉

胡貞臣先生曰濕熱傷足自上而下也足寒傷心自下而上也自上下者先清其上自下上者先溫其下觀此而民病傷國可知治先在民矣

論浦君藝喘病症治之法